

## SCRIPT OF MORNING GOJRI NEWS BULLETIN 26AUG 1015 HRS

ما رنینگ گو جری نیوز بلیٹن مو رخ 26 اگست 2025

\*\*\*\*\*

بیو آکا شوانی جموں ہے محمد اکرم تین خبر سنو۔

\*\*\*\*\*

### LG CONVOCATION BIHAR

لیفٹینٹ گورنر منوج سنہا نے نوجوانان تین دو ایم خصوصیات پیدا کرن گی اپیل کی ہے تے یہ خصوصیات تبدیلی واسطے مثبت ذہنیت ت بڑی کامیابی تے ترقی واسطے ہمت ہیں اُنہاں نے کہیو ہے کہ پر امید تے دلیر شخصیت نوجوانان نانہہ لکارن ور قابو پان گے قابل بناؤے تے اُن نانہہ موقع توں فائدو چان تے قوم گی تعمیر مانہہ بامعنی کردار آدا کرن مانہہ مدد دے جناب لیفٹینٹ گورنر نے یا گل بابا صاحب بیم راو ابھید کر یونیورسٹی مظفر پور بہار مانہہ ایک اجلاس گے دوران خطاب مانہہ کہی اُنہاں نے کہیو جے زندگی سخن گو ایک مسلسل عمل ہے تے اس واسطے ہم نانہہ لگاتار علم گی تھس ہونی چاپت اُنہاں نے کہیو جے اس گو مطلب یو ہ ہے کہ ہمیشہ کچھ نووں دریافت کرنو ہے تے کچھ ہور وی ایجاد کرنو ہے۔

\*\*\*\*\*

### CM SOCIAL WELFARE

وزیر اعلیٰ عمر عبداللہ نے معاشرہ گا تمام طبقات گی فلاخ وبہبود واسطے حکومت گا پختہ عزم نانہہ دبراتاں وان کہیو جے یہ فلاخی کم حکومت گی ایم زمہ داری ہے ایس کے آئی سی سی سرینگر مانہہ سب گی فلاخ وبہبود واسطے برادریاں نانہہ بالاختیار بنان گی موضوع ور ایک روزہ اوزہ تقریب نال خطاب مانہہ وزیر اعلیٰ نے اس گل ور زور دتو کہ فلاخی اقدامات نانہہ معاشرہ گا سب تین متا پشمندہ طبقاں توڑی پُجان واسطے ڈیزائین کیو جانو چاہیے بجائے اس گے کہ صرف چند مراعات یاقہ افراد نانہہ فائدو پُچھے اُنہاں نے مجموعی ترقی گی اہمیت ور زور دیتا وان کہی و کہ حکومت گی پالسیاں گو مقصد برادریاں نانہہ با اختیار بنانو تے برابر گی ترقی نانہہ یقینی بنانو ہے اُنہاں نے کہیو جے حکمرانی گو اصل امتحان غریباں کمزوراں تے دور دراز گا دبی علاقاں مانہہ رہن آلان توڑی پُجان مانہہ ہے۔

\*\*\*\*\*

### SPEAKER STATEHOOD

جموں کشمیر قانون ساز اسمبلی گا سپیکر عبدالرحیم راتھر نے کل جموں و کشمیر مانہہ ریاست کی جلد بحال گا و طالبہ کو اعادو کیو توے عوام گی امنگاں انہہ پورا کرن مانہہ جمہوری اداراں گی اہمیت ور زور دتو نویں دلی مانہہ ال انڈیا سپیکر کانفرنس گا موقع ور ذرائع ابلاغ نال گل کرتا وان جناب راتھر نے اس معاملہ وزیر اعظم نریندر مودی گی یقین دبائی نانہہ یاد کرتا وان کہیو کہ وزیر اعظم نریندر مودی نے اپ اس گل کی یقین دبائی کرائی تھی کہ جموں کشمیر نانہہ بہت جلد ریاست گو درجو دتو ہے گو اس تین پہلاں انڈیا دا مدر آف ڈیموکریسی گا موصوع ور کانفرنس مانہہ اپنا خطاب مانہہ جناب راتھر ن کہی و کہ بھارت گی قدیم جمہوری روایات مکالمہ گی بنیاداں ور دنیا غی سب تین بڑی جمہوریت گا طور ور اس گا شاندار سفر ور لوکہلی۔

\*\*\*\*\*

## ITOO DRUG MENACE

نوجوانان مانہہ منشیات گی بدئی وی لعنت ناہہ روکن واسطے برادری گی مبنی نگرانی کمیٹی تشکیل گو مطالبو کرتا وزیر تعلیم سکینہ اتو نے ٹوکن بیدادی نال بامئی کاروائی الے پاسے منتقل ہون گی ضرورت ور زور پایو جموں کشمیر مانہہ منشیات گی لت گا مسلہ ور ایس کے آئی سیس سی سرینگر مانہہ منعقدہ اپنی نو عیت گی پہلی شراکت میٹنگ گی صدارت کرتا وان وزیر موصوفہ نے کہی و کہ بیادری گا پروگرام ناہہ تقیدان توں انگا جانو چاہیے انہاں نے زور دیتا وان کہیو کہ اگر ہم اس طرح گا اقدامات گ زریعے ایک بچہ ناہہ وی بچان مانہہ کامیاب ہو سکاتاں یا معاشرہ واسطے ایک اہم شراکت وے گی انہاں نے کہیو جے منشیات گی سرگرمیاں ور نظر رکھن تے منشیات گی غیر قانون شرسیل ناہہ روکن واسطے اسکولان کالجاں مانہہ تے ان گے نیڑے کوئے سی سی ٹی وی کیمرہ نسب کرن ناہہ لازمی بنایو جے گو۔

\*\*\*\*\*

## WEATHER

محکمہ موسمیات نے پیشن گوئی کی بے جے جموں غاکئی علاقاں مانہہ دیر رات تین گرج چنک غرے نال شدید بارش جاری ہے۔ جن مانہہ ریاسی ادھمپور سانہ کٹھو عہ تے راجوری وی شامل بین محکمہ موسمیات نے ضروری احتیاطی تدابیر اختیار کرن واسطے کہیو بے خاص طور ور ان علاقاں مانہہ جہڑہ سیلاں تین متاثر تے نشستی بین کیونجے خطہ مانہہ مونسون غی ہل چل جاری ہے یاد رہ جے خراب موسم غرے پیش نظر اج دوجے تہارے وی صوبہ جموں مانہہ تمام سرکاری تے نجی اسکول بند رکھیا گیا ہیں۔ اس زمن مانہہ محکمہ موسمیات نے دسیو جے 27 اگست توڑی بالائی علاقاں مانہہ بادل پہن تے تیز بارشاں سنگ پسی وغیرہ آن گا امکان بین۔

\*\*\*\*\*

## PM MKB

وزیر اعظم نریندرمو دی ملک تے بیرون ملک رہ رہبیا بھارتی شہریاں سنگ آئندہ 31 اگست ناہہ آکا ش وانی ور من کی بات پروگرام مانہہ اپنا خیالات سانجھ کریں گایاہ ماہوار ریٹیو پروگرام غی 125 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غرے روانہ کر سکیں۔ اس توں علاوہ نریندرمو دی ایپ یاہ فر مائی گو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینے غی 29 تا ریخ توڑی ہی قابل قبول ویں گی۔

\*\*\*\*\*

## PTC ANN

علاقائی خبران آلا شعبہ آکاشوانی جموں غی طرفون ضلع جموں واسطے عارضی نامہ نگاران یعنی پی ٹی سی واسطے درخواست منگی گئی بین مجوزہ پروفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہڑا ضلع جموں کا بسنیک ویں تے آن غی عمر 24 براں تین 50 براں غرے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یافر تسلیم شدہ یونیورسٹی تین گرجویشن غرے بمراہ 2 براں غو صحافت مانہہ تجربو مقرر کیو گیو ہے۔ اس تین علاوہ کمپیوٹر تے ورڈ پروسیسنس نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی بے جے ضلع صدر دفتر جموں یا اس تین 10 کلو میٹر غاذائرہ غرے اندر ربانش پزیر وے اس

سلسله مانهه درخواست غى ٻارڈ کاپي ضروري دستاويزات غے بمراه ٻيڻ ريجنل نيوز ٻونٺ  
آڪاشواني پنجترنهه جموں مانهه بزات خود  
آئينده 31 اگسٽ 2025 توڙي دے سکين. اس بارے مزيد جانكاری ويب سائٺ  
ور دستياب ٻے- [www.newsonair.gov.in](http://www.newsonair.gov.in)  
\*\*\*\*\*